

玄覽堂叢書

第九十一冊



081
S8758



中國社會科學院
經濟研究所

明朝小史十二卷

蘆城赤隱呂

莖輯著

嘉靖紀

翼軫分野

帝生于興邸。誕聖之日。宮中紅光燭天。遠近驚異。時
黃河清。慶雲見。乃翼軫分野。當在湖廣地也。

名馬

帝有名馬七。一曰玉麟飛。一曰白玉訓。一曰碧玉騎。

一日照夜壁。一曰銀河練。一曰瑤池駿。一曰飛雲白。

階資隆懋

帝以藩邸迎卽大位。凡興府舊僚。夤緣遷敘。至庖匠廝役。多寄錄錦衣衛。階資隆懋殆數百人。

建醮疏費

太監崔文誘帝禱祀。乾清坤寧諸宮皆設醮壇。西天西番漢經諸廠亦各有之。至于五花宮。乾清宮西

暖閣。坤寧宮東次閣亦有之。或連日夜。或間日一舉。或一日再舉。每一醺蔬腐之費。計萬有八千。

籤部

吏部向名曰銓部。以其典銓選之事也。帝在位以來。特創爲掣籤之法。時改名曰籤部。有一山人詩云。冢卿無計定官衡。枯竹枯來知有靈。若使要津閑節到。依然好缺作人情。

罪不在禁下

吳郡袁黃號了凡。丁丑會場中作我亦欲正人心題。
結云韓愈謂孟子之功不在禹下。愚則孟子之罪
不在桀下。房考陳三謨閱之喜甚。力薦爲會元。

御賜四學士詩

五年六月十三日御賜大學士費宏作七言古詩其
詞曰。古昔明王勤聖學。必咨賢哲爲股肱。君臣上
下俱一德。庶政惟和洪業成。顧子眇末德寡昧。欽
承眷命曆數膺。宵旰兢兢勉圖治。日御經幄延儒

英每從古訓尋治理。歌咏研磨陶性情。詩成朕意
或未愜。中侍傳宣出紫清。補袞命卿作山甫。爲朕
藻潤皆精明。睠茲忠良副倚賴。舜臯彷彿康哉賡。
朕所望者獨卿重。廟堂論道迓熙平。虜廷盛治須
百揆商諮伊。傳周兩卿朕纘大服履昌運。天休滋
至卿其承。帝賚良弼匡吾政。協恭左右持鈞衡。大
旱須卿作霖雨。滂潦亦賴旋開晴。沃心輔德期匪
懈。未讓前賢嵩令名。

御賜楊一清五言古詩曰。邇年西土擾。起卿督邊
方。三辭乃承命。開心副予望。才兼文與武。內外資
安攘。寬朕西顧憂。遂使吾民康。功勲旣昭著。威名
滿華羌。勅使往宣召。復來坐嚴廊。黃扉典政本。攄
誠以匡襄。予承祖宗緒。志欲宣重光。深恐德弗類。
倚毘賴卿良。展其平生志。佐朕張皇綱。股肱職補
袞。伊周並昭彰。助成嘉靖治。青史常流芳。

御賜石琚五言古詩曰。黃閣古政府。輔導須才良。

朕自卽阼始求賢日遑遑卿以廷薦入性資特剛
方在水類松栢在玉如珪璋可否每獻替忠實無
他腸聖學朕所勉煥乎慕堯章機暇有著作秉懷
庶宣揚賴卿善補袞繪繡衣與裳竭誠乃賡載彩
鳳鳴高岡化成在人文熙皞期虞唐地天旣交泰
民物咸平康述此酬卿勞盛事傳無疆

御賜賈詠五言古詩曰殿廷暑氣薄薰風洒然生
萬幾有清暇書史陶吾情日與聖賢伍外誘難相

嬰對時或感物。興到句還成。豁然融心性。豈止諧
音聲。資卿爲藻潤。朕志益開明。卿本中州俊。簡在
登台衡。君臣際良難。所貴德業并。詩章本餘事。治
理須持平。朕固諒卿志。夙夜懷忠貞。喜起協舜樂。
交修和商羹。卷阿有遺響。終聽鳳凰鳴。

四學士恭和詩

賈宏曰。臯陶賡歌始元首。帝舜作歌先股肱。明良喜
起。吾警發。正如一體交相成。吾皇聖德虞舜並。穰

穰百福宜躬膺。一從紹統御宸極。玩味經文求精
英。間揮宸翰有所述。後兼孔思前周情。簫韶並奏
諧律呂。宮聲和緩商輕清。天章煥爛映奎壁。坐見
天下皆文明。小臣拭目輒心醉。豈有才力能酬賡。
仰窺聖志甚宏遠。欲追隆古際昇平。臣愚輔導愧
無術。崇階屢進叨孤卿。平臺宜召賜聖作。褒踰華
袞真難承。對揚休命竭忠藎。敢效傳說希阿衡。龍
文五彩照蓬室。雲氣繞護無陰晴。思深感極思獻

頌堯天蕩蕩誰能名。

楊一清曰。惟帝嚮南離。重明照四方。文謨與武烈。前作後相望。西隣偶事多。起臣督修攘。臣志匪邊功。所期民物康。天威攸遐被。坐籌走氐羗。分將老邊塞。何意登廟廊。召臣復黃扉。期之日贊襄。奎章盛褒許。爛然雲漢光。君王自神聖。有位咸忠良。上下交斯泰。君者臣之綱。臣老心未棄。聖言殊孔彰。欽承誓終始。百世爲傳芳。

石瑤曰。聖皇御宸極。海宇歌明良。宵衣聽羣政。旰
食猶未遑。宗祀事孔嚴。綱紀逮四方。赴赴懷干城。
峩峩來奉璋。治成播風雅。道臆仁禮賜。筆落風雨
驚。語發雷電章。羣聖相追躋。萬動各飛揚。布韋顧
何人。幸蒙五采裳。臨淵羨驪珠。獲璧于崑崗。爲問
何以然。宮中坐陶唐。感此更奮激。庶幾贊平康。還
同擊壤叟。萬壽誦無疆。

賈詠曰。吾皇啓昌運。實膺曆數生。上承萬年統。下

愜四海情。中罹幾多事。外復變相嬰。皇猷惟祖訓。
聖孝自天成。揮洒宮篇帙。鑑錡太古聲。臣本章句
儒。無補愧開明。又以樗櫟質。誤藺居台衡。所望唐
虞治。今昔期與并。兼之伊呂業。家國依以平。豈敢
苟然作。黽勉在忠貞。曾覽舟楫傳。載咏和調羹。但
擬賡歌曲。同一韶護鳴。

聽講感賦

帝聽講大學衍義。感而賦詩曰。帝王所圖治。務學當

爲先。下作民之主。上乃承平天。致治貴有本。本端
化自平。人君所學者。其序有後前。正心誠其意。志
定必不遷。吾志旣能定。理道豈復顛。身修本心正
家國治同然。國治乃昭明。萬邦斯協焉。於變帝堯
典。思齊文王篇。萬化修身始。朕念方拳拳。

三學士恭和

楊一清曰。大學有綱目。所貴知後先。吾皇亶聰明。一
德惟憲天。四方會其極。正直還平平。西山宋真儒。

義衍千古前。無欲德乃明。主靜志不遷。一理散萬殊。察見毫芒顛。經維日勤講。寒暑無間然。從茲進不已。帝德何名焉。臣愚復奚言。祇誦緝熙篇。海嶽自崇深。涓塵効勤拳。

賈詠曰。孔氏遺書在。允爲君道先。民物本同性。君師命自天。格致兼誠正。修齊及治平。聖學能敬此。帝業可光前。釋茲恒在念。知止固無遷。綱領原非細。節目豈容顛。大典垂明法。王化有由然。宋儒負真

識衍義故勤焉。文華詔儒彥。進講各分篇。開卷良
有益。愚惘日拳拳。

翟鑿曰。粵稽古聖帝。治化相後先。玄功覆寰區。丕烈
昭皇天。孔論述蕩蕩。箕疇贊平平。致此術非遠。大
道存目前。明德乃新民。至善止不遷。身心及家國
洞悉末與顛。譬如九級圖。積累成巍然。我皇重儒
真。道脉茲屬焉。載續欽明典。更協重華篇。小臣拜
稽首。緝熙仰拳拳。